

Parlimen belum bubar, kata Najib
Malaysiakini.com
November 11 ,2011
by Hafiz Yatim

Perdana Menteri Datuk Seri Najib Razak sekadar tertawa apabila ditanya mengenai spekulasi bahawa beliau akan membubarkan parlimen hari ini.

Dengan berjenaka, Najib berkata hari telah hampir berakhir tetapi parlimen masih belum dibubarkan.

Katanya lagi, mesyuarat majlis tertinggi BN hari ini juga sekadar membincangkan mengenai usaha untuk mengukuhkan parti itu.

Najib yang juga presiden Umno berkata, mesyuarat hari ini juga tidak membincangkan mengenai pengagihan kerusi pilihan raya di kalangan anggota komponen BN seperti yang disebut-sebut sebelum ini.

Bercakap dalam sidang media selepas mesyuarat itu hari ini, Najib turut menafikan bahawa mesyuarat hari ini membincangkan mengenai penetapan tarikh pilihan raya.

Nombor 11, seperti juga tarikh 11 November hari ini disebut-sebut sebagai nombor kegemaran Najib yang juga merupakan elit aristokrat Orang Kaya 11 Pahang.

Najib sebelum ini dikatakan akan membubarkan parlimen pada tarikh kegemarannya itu.

Copyright © 1999-2011 Mkini Dotcom Sdn. Bhd
<http://www.malaysiakini.com/news/181107>